



Samgöngu- og sveitarstjórnarráðuneyti
Sölvhólsögötu 7
101 Reykjavík

Fjarðabyggð, 11.06.2019
Tilvísun 1905008/0.0

Umsögn Fjarðabyggðar um Grænbók


Bæjarráð Fjarðabyggðar leggur áherslu á eftirfarandi atriði við afgreiðslu grænbókar.

Lágmarksstærð sveitarfélaga verði miðuð við 500 íbúa. Vísar bæjarráð þar til reynslu sinnar af sameiningu sveitarfélaga og nauðsyn þess að þau nái að rækja skyldur sínar gagnvart íbúum. Reynsla Fjarðabyggðar af sameiningum bendir ótvírætt til þess að með sameiningu minni sveitarfélaga í stærri eflist styrkur þeirra og þjónustustigi batnar.

Tekjustofnar sveitarfélaga séu tryggðir og atvinnustarfsemi sem starfrækt sé í viðkomandi sveitarfélögum skili eðlilegum tekjum sem standi undir uppbyggingu þjónustu og innviða sem nauðsynlegir séu til vaxtar samfélaganna. Í því sambandi er sérstaklega bent á auðlindagjöld af fiskveiðum og fiskeldi. Núverandi fyrirkomulag þar sem ríkið situr eitt af þeim tekjum og veitir ekkert til hlutaðeigandi sveitarfélaga sem annast þjónustu og uppbyggingu nauðsynlegra innviða er ekki sanngjörn.

Jöfnunarsjóði sveitarfélaga verði falið aukið hlutverk í að styðja við sameiningu og stækkun sveitarfélaga og sameinuð sveitarfélög sæti ekki skerðingu tekna úr sjóðnum. Þá verði lagt sérstakt mat á framlög til fjölkjarna sveitarfélaga og þau njóti aukinna framlaga í samræmi við það þjónustustig sem þau bjóða í byggðakjörnum sínum. Með því geta þau treyst byggðalög og dreifða byggð innan sveitarfélagsins sem höllum fæti stendur. Sameining sveitarfélaga á ekki að verða til þess að svipta sameinað sveitarfélag fjármagni sem þegar hefur þótt eðlilegt til reksturs þeirra sem sameinuð eru en reynsla Fjarðabyggðar af rekstri fjölkjarna sveitarfélags bendir til þess að með sameiningu hafi framlög jöfnunarsjóðs skerst. Að reka sameinað dreifkjarna sveitarfélag kostar það sama þau aðskilin.

Skipulagsvald sveitarfélaga verði að fullu virt á grunnslóð þar sem fiskeldi er fyrirhugað og að fyrirkomulag og leyfisveitingar sveitarfélaga til starfsemi verði hluti af ferli við úthlutun leyfa. Að sveitarfélög hafi ekki beina aðkomu að leyfisveitingum og skipulagi strandsvæða er óásættanlegt þar sem skipulag á landi og næsta umhverfi á sjó er hluti heildarskipulags sem best er að sé á forræði þeirra sem búa í viðkomandi sveitarfélagi og er augljós skerðing á sjálfsákvörðunarrétti sveitarfélaga.


Gunnar Jónsson